

Si l'odaine
desbourroût
Tout Nivelles
Pèriroût

EL LOSSE

I montont
I desquindont
Et i n'aquatont
Jamais ri

GAZETTE WALLONE

S'moustrant tous l'dimanches à l'piquette du d'jou

ABONNEMINT : 3 Francs par an

Il est bi intindu qu'on paiera d'avance pac'què les d'gins sont t'aussi losses què nous.

Les artiques qui n'saront ni signés,
n'paraîtront ni dins l'gazette

Les correspondances dévont iesse invoïées
au bureau de l'gazette
Rue des Canonnières, 10, Nivelles

Pou les Annonces eie les Réclames on n'a qu'a v'ni nos
trouver, nos nos arrindg'rons l'mèieux possipe



Elle Swèrée de l'Alliance

Dimanche au nûte d'j'astoués là bi tchaudemint à m'maiso fumant n'grasse pupe au culot du feu, in sondgeant à m'pourcha qui tchèiout dins l'mau St d'Jean. Su l'coup de 7 heures v'la l'régisseur du Losse arrivè comme el vint :

— Allons m'fi, i faudra d'aller à l'Alliance djè sùs si bi scan què dj'm'in va couchi.

Djè sùs parti in marmquasant intrè mes dints, mais dj'ai sté binaiche de m'avvèr desrindgi comme tous les dgins d'ailleurs (et i d'avouit branmint) qui stinnet au concert.

Djè n'vas ni spèpi les deux pièches : *Histoire de femmes* et *Le chapeau de paille d'Italie*. Djè n'saroués ni raconter ces deux vaudevilles-là comme is ont sté djués et fer rire nos ligeux à s'cafiée comme dj'ai ri dimanche. Djè n'saisirai persounne in disant qu'elles ont sté rindues avè tout l'esprit qu'elles avinnet et tout l'entrain qui falloût. On sintoût qu'les roles avinnet esté travaï et les répétitions bi soignées. Toutes nos mèieuses félicitations à tous les acteurs et surtout aux actrices qui ont fait l'grosse part du succès d'ALLIANCE.

L'orchesse du bal astouit mainné pa M. Thomas. C'est assez dire. V'la in diàle què les coummèrès de Nivelles viont pus volté qu'mi. I leu z'a procuré tant d'bounheur dimanche ! Ça s'vioût su leus bias p'tits visatches ! D'jusqu'a les momans, l'musique les faisoût pestèler, elles arinnent co bi volu d'aller n'danse mais n'moman ça aciquante swèxante ans....!

Comme dj'aime mèieux vo fie madame, djè dis avè ielle : Enne belle swèrée mais l'pire c'est qu'elle est outte. MISDITCHE.

TOUT SIN VA!

(Conversation intrè deux aclois)

— Vos n'mè direz pus qui fait co aussi gaie à Nivelles què dins no d'joune temps ?
— Ça c'est vrai, mais nos n'astons pus aussi gaies nèri.

— On l'sait bi ! Mais c'n'est ni là què d'vûx d'in v'ni. On sait bi qu'on est pus l'même à 65 ans qu'à 20 ! Djè vûx dire qu'on n's'amuse pus à c'l'heure comme avant : rwètiz les carnèvals les r'counchiz co ? Vûz co l'quart des dgins qu'on vioût avant dins l'rue de Mons pou vir passer les masses ? Iusqu'elles sont les violes qui rinveïnent tant les dgins ? Iusqu'il est l'temps qu'on vioût vingt, trinte sociétés concouri pou des médaies : Tout s'in va !

— Pou ça vos avez raison ; à c'l'heure vos n'vûz pus même des costumes à les carnèvals : pus pouin d'Arlequin, pus pouin d'sintches, pus d'pierrots, vos n'vûz pus qu'des sâles dominos nwèrs aussi vix qu'les t'ch'mins ; vos n'vûz pus ces sociétés d'musiques inradgées qui d'allinnet si bi avè leus réfrains toudis si bi chwèsis ; djè les ai queu'fwès sù quatre heures d'hourlotche avè m'feumme et mes effants.

Mais v'la, on a coumminché pas n'pus donner d'subsîte pou fer des cavalcades, les vix s'sont desgoustés, et les nouvias n'avinnet ni l'invie de continuer dins ces conditions là. A c'l'heure on n'court pus à masses ; on s'poumène deux par deux au nûte avant d'aller au bal, et v'la commint tout s'in va !

— Tout l'même, on va s'embêter à fer n'ciquantaine des coups l'tchèmin du marchî au faubourg de Mons, et c'est ça qu'on appelle fer l'carnevâl.

— C'est comme les bals : de no temps, après qu'on avouit coureu n'miette de tous costés, on d'alloût danser à nèf heures, on buvoût de l'bière d'jusqu'à minuit et on r'venoût pa bintes masquées à leu maiso, in tchantant et in dansant. Faut pus d'ça à nos coummères, c'est commun ; i leu faut d'aller au bal sans leu moman, s'lèi intourtî pa des mossieus qui les amourçont avè n'coupe de flûtes de champagne !

— D'jaroués volu vir mes fies, de m'temps fer des affaires pareies ! vos ariz vu què rinsée què d'leus aroûs foutu !

— Djè d'aroués fait astant ça m'fi ; mais audjour'hû les fies n's'habiont pus comme de no temps avè des jupons, des capotes et des p'tits bonnets ; elles pouront des tchapias avè des grandès plumes, des p'tits solés avè des hauts talons, des robes à ramatches ; ça les impèche de r'counnaite leu père quand i passe tout près d'ieusses in pourtant n'esquie ou in mainnant n' browette de t'chause.

Tout s'in va !

— Et c'est d'ainsi qu'les parints n'ont pus d'autorité su leus effants, co n'saquet qui s'in va !

— Non ! i v'ut mèieux pou les pères, lèi leus fies fer l'mamzelle et ieusses lachi nos bounnès vieies sociétés.

— C'est comme les d'jounes hommes, à l'place de fer l'mestî d'leu père, quand is ont sté n'miette à s'cole, i leu faut d'aller d'su in bureau pou maindgi çu qu'leus parints ont gagni.

Là co toudis n'saquet qui s'in va !

— Waie, is gagnont quinche francs par mwès pou coummichi et huit nef cints francs pou fini.

— Nef cints francs ! Bi du temps què ça marchouit bi dins m'mestî, djè de gangnoûs quinze cints, sans m'mette in purre.

— Ah tout cà c'est vrai ; mais de c'temps là, tout l'monde travaioût, tout l'monde es'contintoût à p'tits frais, on n'pètoût ni pus haut què l'trau, on s'contintoût de l'bière à in gros sou de l'pinte.

— Adon on s'contintoût d'nos ducasses de Baudémont, d'Bolosac, de Moustieux, d'Baulé ; à c'l'heure el cien qui a vingt frs dins s'pochè s'in va à Brusselles et r'vit pindint twès mwès sucî s'pouce à Nivelles

— Des ducasses ! D'in v'la qui destché-iont despûs n'vingtaine d'années ! Iusqu'elle est cienne du Saint Sang à Bolosac, est-elle co à r'counnaite ? On n'vwèt pus l'digième des d'gins d'avant.

— Eie l'cienne de Nivelles du mwès d'Octope ? A l'dernière il avouit co n'baraque et d'mi. Iusqu'il est l'temps qu'il avouit des baraques tout plein l'place et tout à l'intour du marchî ? Iusqu'il est l'temps qu'on dansouit au Parroquet, à Belgrade et dins les faubourgs ? A c'l'heure, on n'danse pus qu'à l'Càve et i n'a à mitant pus ri.

Eie les dgins, ça n'accourt pus de tous les costés comme avant. Il est vrai ètout què pou vir deux twès sâles baraques de maux foutus, on gagne astant à d'merrer à s'maiso.

— Tè n'as ni minti !

— Et v'la commint c'què tout s'in va !

MIRAN.

TROP TCHER

Batisse avouit tcheu d'in ourdâche et il avouit tout d'brigi l'gros ochat de s'djambe dwette. I s'fait rammint mainner au médecin qui li dit :

— Attention ! qu'on d'soût à n'mère, vo gamin mainte tout l'couleur qu'il a d'sus l'polichinelle
— Bah pou c'qui cousee ça n'fait ri, d'l'ai ieu à Colas pou in gros sou.

In piotte avoût sté rincontré pa s'lieutenant et avoût cachi a s'muchi pa dière in arpe.

El l'endemain il est appelé au rapport.
— Soudart Rataouie, disst-i l'capitaine comment ça s'fait-i que vo lieutenant vos a vu in civil ahier ?
— Pac'què l'arpe n'astôût ni gros assez, mon capitaine !

Torino, elle laitière s'inva à Nivelles et à l'promière pratique qu'elle fait, elle madame s'aperçwet qu'Torino n'li viersôût qu'dè l'iau pure.

— Bi Torino, qu'est-ce què vos faites là c'est de l'iau qu'vos m'versiz !

— Bonne Ste d'Gèdra, dj'ai roublî d'mette el lait.

×

Elle scène esse passe dins in p'tit boutique :

— Man l'abie, abie, vènez râte vir.

— Qu'est-ce qui là hon m'fi ?

— El tchèveau d'Joseph vit d'passer et il a laichi tcher in bia briu; seulement il est grand temps, pac' què l'vignie l'a d'jà r'luqui.

— Dabourd perdez rammin n'saquet pou l'mette dèdins

— Qu'est-ce qui faut prinde hon man ?

— Nimpourtè què, despèchtz-vous...

Ètè l'gamin attrape enne tèle au lait vude qui strouve su l'comptwèr...

Batisse va au médecin :

— Vos fumez d'trop, disst-i l'docteur.

— Ça est mauvais d'trop fumer ? d'mande Batisse.

— Bi seur, enn'vîz ni qu'les mèieusès tchèminées c'est les ciennes qui n'fumont ni.

FEUJETON DU LOSSE, DU 2 MAI 1897

COLAS IN GRANDE TÈNUE

pa ZANTE TOUTNU

LEU POURMÈNADE

Arrivés dins l'rue Namur, Lustucru dit :

— Waitiz què bia magasin d'solés, vos d'vriez rintrer pou d'acheter n'paire.

Colas. — Ça tombe mau, djè n'ai pouin d'iard.

Lustucru. — Comment, vos stez co là lodgi étout !... Bi, ça n'fait ri après tout, i d'a co d'z'antes què vos qu'is n'd'ont ni... Nos n'arons ni peu des voleurs ainsi.

Qu'est-ce què vos r'waitiz d'ainsi à l'fernièsse du patissier... Les bouins pâtés, l'chocolat èiè les tartes ?... Comme vos stez quertchi d'iards comme in crapaud d'plumes, n'vos faites ni avwèr mau à vo cœur, passons su l'oute ringée nos dirons vir les bias tchapias qu'on dit qu'on vind si boin marchi.

— Haie-haie-haie !...

— Qu'est-ce què vos avez à crii ainsi comme in via ?

Colas. — Djè vis d'arroqui mes artias à in calau, dj'ai vu co pus d'dix mille tchandelles.

Lustucru. — Bah, et c'est pou ça qu'vos gueulez ainsi... perdez patince, ça s'passera.

Waitiz les dgins qu'il a dins c'cabaret çî... c'est tellemint què l'bière èiè tout est boin, què du matin au nôte c'est comme el saia du pusse, les dgins n'faisont qu'rintrer et sourti, et à part ça, tous les djous au matin à parti d'quatre heures djusqu'à nef heures, on n'fait qu'viersi du gènèfe tellemint qu'il est boin, èiè on a n'jatte dè cafeu pou ri; tous les ouvrès d'estation, les commissionsnaires èiè les pourteurs au satche sont toudi là, vos diriz qu'il a in aimant qui les ratifèr

CHARADE

M'promi est pus grand qu'in pachi,
Pou rouler les rues à m'dèrni i faut n'mèdèr.
Çu c'què d'vas dire pou m'tout n'est ni enne ablaie
Si c'est pau curé, on l'ascoute et on n'dit ri;
Mais si c'est n'saqui d'aute, on l'invoie souvi t
s'vaner,
V'là c'qu'on gagie à fou'rer s'nez dins les affaires
des autos A. CLOR.

On tir'ra au sourt enue belle prime intrè tous les ciens qui nos aront invoî l'bonne réponse
avant mercredi au dîner au pus tard.

L'rèponse à l'charade du coup passé est :
TCHER — PINTÉ

Out advinè d'juse :

1. Bon pour du savon noir nécessaire au lavage de P... après une soirée. 2. Pou qu'E... en sè sauve pus pa l'fernièsse quand s'matante court après in rat. 3. Vos dirèz co a E... Victor, què vos n'avez jamais sté su l'Losse, vos v'là co c'coup-ci. 4. Pour que L... ne pense pas avoir J... en allant se disputer avec son frère sur le marché et en mouchant si fort son nez pour se faire entendre. 5. Réponse au n° 20. El conseil est bien bon S... djè vas d'aller quer dè l'poude de riz avè les liards L... 6. Ph... dè B... vos astez si plaidwère et si mintwère què quand vos n'dirèz pus ri on n'vos mettra pus su l'Losse. 7. Eh ! S... wètiz quand vos r'conduirez co L... dè n'pus prinde es'mouchwèr dè poche. 8. Vos stez pa'hein L... dè Bournivau, vos dirèz co vir les fies à Baudémont... 9. On saròit bi hontex L... Léon dè d'aller dins les prés, pus tard vos... (incompris) 10. Et adon Louis, Léon considère toudis enne fie cendrinette avè vos autes. 11. M... vos poviz bi si bi rabii vo fie et rouler in vwèture au banquet, in pinsant qu' vos aviz l'lot d'1,000 francs quand vos avez sté à Bruselles, on vos a dit qu'vos vos aviz trompé. 12. Dj'ai sté vir au cirque, Julien, et dj'ai vù in dompteur qui savoit s'mèsti; mais vous, vos laichiz couri vos dièles tavau Nivelles et is ont mis toute ell' police et l'administration in déroutè. Èiè pou ça vos donnez vo démission; Vo bia frère est d'jà candidat et djè cwèx qu'i f'ra s'plage comme i faut; il est rapite comme in vol au vent avè l'plangue dégagée. 13. Philippe tachiz d'bi fer vo service à l'ménagerie, nos s'cirons au Minisère des affaires dè diales pou avwèr enn'augmentation; comme çî n'p's n'font ni grève ni in syndicat lauvau à l'hamia d'infer tout près du p'tit Paradis; l'local s'ra à l'flamintche, l'comarade du chef des dia-

testous.

Colas. — Èiè nous, nos d'vons passer in face in suçant no pouce.

Lustucru. — Attention Colas, v'là l'vix carcan qui d'meurre à sautiamont, il est pus souvi t à quertece qu'à vude... waitiz çî comme i fait des troumouas... Gare, léiz-l'è passer !...

C'gaiard là, quand i stôût au service, il avoît l'appèti aussi drouvierte què l'bourse dè bramin d's'avocats, i n'avoît jamais maindgi assez, il r'louctoît toutes les gamelles èiè ramassôût tout c'qui trainoît. I n'd'avoût ni in pareie à li pou tirer des carottes aux couscrits, il astoût farceu à fer rire enne brique et on l'avoût spoté l'tambour goulaffe. On raconte co tous les djous dins l'régiment les farces qu'il a fait.

Quand il a ieu s'condgi, il a sté s'rinde à l'hospice, i stôût aussi malate què mi, on li f'soût fer des p'tites corvées; quand i d'allôût pourter a maindgi à les pouies, il avoût sogne dè caresser les ieuës : in fichau n'aròût ni sté pus malin qu'li !

Mais l'eruche va tant à l'iau qu'elle sè casse. Les servantes, s'aperçevant qu'despès qu'i pourtoût à maindgi à les pouies, les ieuës deveninment d'pus rare in pus rares, l'ont survèiè et l'ont attrapé. Adon i n'jà pus fait longue doilà. on l'a flanqué à l'huche. A c't'heure i fait des commissions pou iun et pou l'aute, èiè bwet du pèquet comme in polonais.

Waitiz qu'est-ce qu'il a dins l'rue Roblet? Bah, c'est co des répètitons; i d'a ieuinne se d'rintche par là.

Waitiz Colas comme on maintè dè des patates frites... Passons no tch'min pac' què l'iau vit à m'bouche èiè çà n'nos avancera ni... V'là co in bia patissier, in marchand d'froumache, in marchand d'sauccissons... douci, il a co dè l'boûne bière. Nom dè diales, c'est toudi d'ainsi qu'à va, quand on n'a ni d'iard, on aime toudi d'acheter

les 14. Et la L... je vous ai vu jeudi, c'est pour faire place à Manu, c'est ça que Sophie frise si bien ses cheveux pour l'attendre. 15. R. il a co in p'tit djoune dè diale et vos n'h'plèziz ni, elle dit qu'elle n'a ni dandgi d'in frak comme vous. 16. R... inutile de vous faire tant de peine à venir le rechercher, car vous ne sautiez nous empêcher de nous aimer et de nous voir. 17. Pou que J. de Courcelles en sè lèche pus prinde in bête au los d'ôphain pa V... tant què d'coudous in baston et nè r'fuse pus d'bwère in coup à s'vèrre. 18. Et alors G... pourquoi cessez-vous d'aller voir L... à Feluy, elle pourrait cependant vous établir, elle. 19. Pou què l'chel dè l'ménagerie passe pa T... Z... el rattind. 20. Et adon J... vos n'm'aviz ni co dit què c'astoit r'pris à Ohais. 21. Hélène au lieu de couri après les garçons vos friz bramin t' mieux dè raccomoder vo manche.

CORRESPONDANCES

PIC DE LA MIRANDOLE. — Merci bramin des coups pou çu qu'vos nos avez invoî. Seulement comme vos pourrez l'ermarki nos avons sté obtidgi d'ermarki saquants passatches fourbi bi tourchis mais què nos n'avons ni oseu mette.

A pus tard !

AU F N 222-CHAPELLE-LEZ-HERLAIMONT. — Envoyez-nous des réponses sans y mettre des surnoms et de trop grandes désignations et nous les ferons paraître volontiers.

ÉTAT-CIVIL

NAISSANCES : Marguerite-Victorie-Matilde-Ga. Cocq. — Oswald-Alexandre-Gli. Bury. — Marcel-Léopold-Joseph-Gh. Patoux. — Robert-Louis-Henri-Gh. Patoux. — Désirée-Ernestine-Romaine-Gh. Cranembrouck.

MARIAGE : Alfred-Joseph-Gh. Parmentier, menuisier-entrepreneur et Clara Michel, maîtresse de laiterie.

DÉCÈS : Joséphine-Cheruwier, 81 ans, sans profession, célibataire, décédée boulev. de la Batterie. — Georges Ghislain-Joseph Olivier, 24 ans, garde route au chemin de fer, célibataire, décédé avenue de la Gare de Baulers. — Léopold-Joseph-Jonct, 62 ans, sans profession, veuf de Clémentine-Gh. Delair. — Henriette Debecker, 32 ans, ménagère, célibataire, décédée B. de la Batterie.

toutes d'sourtes... Passons no tch'min. Nos v'là in face dè Tinctoris, tironos no tchapia !... I n'maque ni des cabarets dins tous les coins... R'tour-nons su nos pas... Nos v'là su l'place, comme i fait bia tout l'même hein, mais i m'chènne qu'ou d'vroît mette eun' statue au mitant dè l'placc dè l'ancien Foc-Sal.

Colas. — Dj'ai m'bouche sètche, d'allons in face à c'maiso-ci d'mander pou n'mastouque dè boules à crédit...

— Eh b't, risquons toudi, montons les escaliers... qui n'risse ri, n'a ri.

Madame arrive leu d'mander qu'est-ce qu'il a d'leus ordes ?

Colas. — Nos voudrinment Madame, què vos ariz l'bonté dè nos d'ner pou n'mastouque dè vos mèieusès boules à l'œil.

— Des boules à l'œil, mais je ue comprends pas. Messieurs, expliquez-vous, je vous en prie.

— Colas. — C'est pon n'mastouque dè boules à crédit.

— Ah ! c'est à crédit, pour ne jamais me payer peut-être. Vous ignorez, Messieurs, qu'ici crédit est mort et que c'est le mauvais payeur qui l'a tué.

Lustucru. — Si vo garçon astoût çî, nos arinment des boules, djè vûx bi iesse damné.

— Mais qui êtes-vous ?...

— Je sus Lustucru, iun des Rédacteurs du Losse

— Mais pardon, je ne vous connaissais pas, en voulez-vous pour dix centimes.

— Lustucru. — Djè vûx bi Madame èiè djè vos r'mercio. Djè vos invoîerez paif ou bi dj'verrai mî-même.

Colas. — Madame, dormez tranquielement, vos n'pied'rez ri quand même djè d'vroûs co mette mes effants au Lombard, si Lustucru n'vos paie ni... Allons arwèr... (à sucr)

L. SAINTES

dit de BRESSE

Informe sa nombreuse clientèle qu'il continue comme par le passé son

COMMERCE DE LEVURE

6, RUE DU BÉGUINAGE, 6
NIVELLES

AVIS AUX BATISSEURS

PIERRES BLEUES DES MEILLEURES PROVENANCES

Spécialité de Monuments Funéraires

SCULPTURE - GRAVURE
CHEMINÉES EN MARBRE

Pierres de Bâtimens & Travaux d'Art

Prix défiant toute Concurrence

HENRI VOITURON

FELUY-ARQUENNES (Station)

MAISON MINET

7, Place de la Constitution, 7
GARE DU MIDI
BRUXELLES

Tabacs, Cigares et Cigarettes
de toutes provenances

SPECIALITÉ
DE CIGARES FINS & DE LA HAVANE

OBOURG & SEMOIS

TABACS EN ROLES

A VENDRE

belle cloche d'atelier

S'adresser bureau du journal

Société Fermière des Eaux Minérales

DE

BEL-VAL

L'eau de **Bel-Val** est la plus agréable des eaux de table. Elle est absolument pure de germes de bactéries et de substances d'origines azotées.

Recommandée par les plus hautes autorités.

Apéritive, Hygiénique, Digestive.

Minérale, Naturelle Gazeuse

Se vend en bouteille de

1 litre à	0.40 c ^m la bouteille
1/2 " "	0.30 " " "
3/8 " "	0.28 " " "

Dépôt. NARCISSE WILMET, droguiste, rue de Soignies, 1a Nivelles.

ED. VASE

BOULANGER

4, Rue de Bruxelles, 4

NIVELLES

Spécialité de beurre frais
de la Campine.

PAIN, FARINE, SON ET MAIS

DE TOUTE 1^{re} QUALITÉ

Réparations en 5 minutes

Salon de Coiffure

Camille DEMBULENAERE

RUE DE NAMUR

NIVELLES

Spécialité de Savons de toilette

Barbe

et coupe de Cheveux

Réparations en 5 minutes

LES PLUS SOLIDES
se trouvent



LES MOINS CHERS
à la Maison

J. ANDRIEUX

Rue des Brasseurs, 25, NIVELLES

PATERNOTTE, coiffeur

GRAND'PLACE, NIVELLES

Exposition et Concours
Décorations, Diplômes d'honneur et Médailles d'or.

Location de perruques pour bals et soirées.
Location et vente de perruques, barbes, favoris, grognards, moustaches, pour représentations dramatiques.

Prix très modérés - Travail soigné

La Maison se charge de grimer.

Coupe de cheveux, barbe et coiffures.

POSTICHES EN TOUTS GENRES.

AU BON MARCHÉ

L. SCHIFFELERS-PLISNIER

Ancienne Maison PLISNIER-PONCELET

Grand'Place, 17, NIVELLES
Confèctions pour Hommes & Enfants
Nouveautés pour ROBES, mérinos, toiles, etc.

Deuil complet en 10 heures

MAISON DE CONFIANCE - PRIX FIXE

Voulez-vous boire un bon
verre de Bière.

allez au

CAFÉ DE LA CONCORDE

PRÈS DU PALAIS de JUSTICE

Cambic, Vock, Vins & Liqueurs

Madame VANDERMEULEN

Rue Neuve, 10,

A NIVELLES

se charge de faire disparaître complètement les **Cors-aux-pieds** et

Durillons sans aucune douleur.

se rend à domicile - Prix modérés

INFLUENZA

Guérison des Maladies

de la Gorge, des Bronches et des Poumons
par les capsules balsamiques TORDEUR

BRONCHITE

Au lieu d'employer une quantité de pastilles plus ou moins inoffensives, mais de peu de vertus médicinales, prenez les **capsules Balsamiques TORDEUR**, composées de médicaments sérieux, parfaitement dosés et d'une efficacité incontestable.

Ces capsules constituent le remède le plus énergique connu. — Seul, il est rationnel et basé sur les dernières données de la science. Les substances qui le composent sont hautement recommandées par les célébrités médicales.

Les capsules **Balsamiques Tordeur** modifient la composition des crachats, arrêtent l'expectoration et contrairement aux autres préparations stimulent l'appétit. Elles agissent également sur les bronches comme antiseptique et empêchent, par suite, l'accroissement de la maladie. Les toux les plus rebelles sont calmées en très peu de temps.

Les guérisons obtenues sont prouvées par des attestations nombreuses, principalement dans les **Bronchites, rhumes, toux négligées, toux sèches, toux suffocantes, toux nerveuses, asthme, enrouement, influenza, affections pulmonaires.**

Une seule boîte suffit toujours pour les affections ordinaires. Les personnes gravement atteintes devront suivre le traitement plus longtemps.

Exiger sur chaque boîte la bande de garantie portant la signature de **A. TORDEUR, Pharmacien, à Braine-le-Comte.**

Tout médicament analogue doit être refusé et réputé contrefait.

PRIX : Fr. 1.50 la boîte.

DANS TOUTES LES PHARMACIES

Envol franco par la Poste, 1.50 en timbres ou bon postal

ASTHME

PHTISIE

Dépôts

Nivelles, A. TOUSSAINT
GRAND'PLACE
Braine-l'Alleud -- ED. VANDERCAM
Tubize, Louis Clouet
Ecaussinnes (Em Fontaine
Martin
Soignies, F. Paternotte
Perwez, Nihoul
Bascong-Chapelle -- A. LINARD

Dépôts

BRUXELLES } Delacre
Moutagne de la Cour
Frédrix
Boulevard du Nord
LE REULX, PLUSQUIN
Ath - Etienne, « Pharmacie Escoufflaire »
MONS } Debrassy
Grand'Place
Frédrix
Rue de la petite Guirlande